


Sebija Izetbegović
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo



n/r predsjedavajućeg Skupštine Kantona Sarajevo

Uputiti: Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, Ministarstvo pravde i uprave Kantona Sarajevo i Ured za borbu protiv korupcije i upravljanje kvalitetom Kantona Sarajevo

ZASTUPNIČKA INICIJATIVA

Predmet: Inicijativa za ispitivanje zakonitosti postupka izmjene i dopune sistematizacije radnih mjesta u KJKP „Vodovod i kanalizacija“ d.o.o. Sarajevo

Poštovani,

Na osnovu člana 213. Poslovnika Skupštine Kantona Sarajevo, podnosim zastupničku inicijativu kojom predlažem da Ministarstvo komunalne privrede Kantona Sarajevo, Ministarstvo pravde i uprave Kantona Sarajevo i Ured za borbu protiv korupcije i upravljanje kvalitetom Kantona Sarajevo izvrše detaljnu provjeru postupka donošenja izmjena i dopuna Pravilnika o unutrašnjoj organizaciji i sistematizaciji radnih mjesta u KJKP „Vodovod i kanalizacija“ d.o.o. Sarajevo, te utvrde da li su prilikom njegovog donošenja ispoštovane sve zakonske procedure i principi dobrog korporativnog upravljanja.

Prijedlog mjera

S tim u vezi predlažem da nadležne institucije utvrde i dostave sljedeće informacije:

1. Da li su za izmjene i dopune Pravilnika o unutrašnjoj organizaciji i sistematizaciji radnih mjesta u KJKP „Vodovod i kanalizacija“ d.o.o. Sarajevo pribavljene sve zakonom propisane saglasnosti i mišljenja nadležnih organa.
2. Da li je postupak donošenja izmjena i dopuna sistematizacije proveden u skladu sa Zakonom o radu, Zakonom o javnim preduzećima, kolektivnim ugovorom i drugim relevantnim propisima.
3. Da li je predstavnik osnivača u Nadzornom odboru KJKP „Vodovod i kanalizacija“ d.o.o. Sarajevo u trenutku odlučivanja raspolagao svim potrebnim ovlaštenjima, instrukcijama i punomoćima za glasanje o predloženim izmjenama sistematizacije.
4. Da li su Ministarstvo komunalne privrede Kantona Sarajevo i Vlada Kantona Sarajevo bili upoznati sa predloženim izmjenama prije njihovog usvajanja.
5. Na osnovu kojih analiza, stručnih elaborata, procjena potreba ili poslovnih studija je izvršeno kreiranje novih radnih mjesta, izmjena postojećih opisa poslova i reorganizacija organizacionih jedinica.
6. Da li su prilikom izrade nove sistematizacije korištene uporedne analize i pozitivne poslovne prakse drugih vodovodnih i komunalnih preduzeća u Bosni i Hercegovini i regionu.
7. Ko je bio nosilac izrade prijedloga sistematizacije i koja su stručna lica učestvovala u njenoj pripremi.
8. Da li je izvršena analiza efekata nove sistematizacije na efikasnost poslovanja, troškove rada, održavanje vodovodnog i kanizacionog sistema, kao i na kvalitet pružanja usluga građanima.
9. Da li je izvršena procjena finansijskih efekata sistematizacije, uključujući eventualno povećanje troškova plata, naknada i drugih materijalnih prava zaposlenih.

10. Da li se prilikom reorganizacije vodilo računa o stručnim kvalifikacijama, radnom iskustvu i specifičnim znanjima zaposlenih, imajući u vidu da se radi o djelatnosti od posebnog javnog interesa i tehnički veoma zahtjevnom sistemu.
11. Da li su pojedine organizacione jedinice spojene, ukinute ili reorganizovane na način koji može ugroziti operativno funkcionisanje sistema vodosnabdijevanja i odvodnje otpadnih voda.
12. Da li su sindikalne organizacije i predstavnici radnika bili uključeni u proces izrade i donošenja izmjena sistematizacije, te da li su dostavili eventualne primjedbe i prijedloge.
13. Da li postoje elementi koji ukazuju da su pojedina radna mjesta kreirana ili mijenjana radi pogodovanja određenim licima, zapošljavanja po političkoj ili drugoj osnovi ili zaobilaženja principa transparentnosti i jednakog pristupa zapošljavanju.

Obrazloženje

Prema informacijama koje su dostupne javnosti, u KJKP „Vodovod i kanalizacija“ d.o.o. Sarajevo izvršene su izmjene i dopune sistematizacije radnih mjesta koje podrazumijevaju kreiranje novih radnih mjesta, izmjene opisa poslova, kao i reorganizaciju pojedinih organizacionih jedinica.

Imajući u vidu značaj ovog preduzeća za funkcionisanje Kantona Sarajevo, kao i činjenicu da se radi o djelatnosti od posebnog javnog interesa, neophodno je utvrditi da li su sve promjene provedene na osnovu stručnih analiza i stvarnih potreba sistema ili su donesene bez adekvatnih stručnih i pravnih osnova.

Posebno je važno utvrditi da li su prilikom donošenja nove sistematizacije poštovani principi zakonitosti, transparentnosti, ekonomičnosti i profesionalnog upravljanja, kao i da li se vodilo računa o iskustvu i stručnosti zaposlenih koji obavljaju složene i specifične poslove održavanja i upravljanja vodovodnim i kanalizacionim sistemom.

Također, neophodno je utvrditi da li su svi organi upravljanja i nadzora postupali u okviru svojih zakonskih ovlaštenja, te da li postoje eventualni elementi koji bi mogli ukazivati na nepravilnosti ili sukob interesa u postupku donošenja predmetnih izmjena.

S obzirom da se radi o javnom preduzeću koje upravlja jednom od najvažnijih komunalnih djelatnosti u Kantonu Sarajevo, javnost ima pravo da bude upoznata sa svim činjenicama koje se odnose na organizaciju rada i upravljanje ovim sistemom.

Molim da nadležne institucije razmotre ovu inicijativu, provedu potrebne provjere iz svoje nadležnosti i o utvrđenim činjenicama informišu Skupštinu Kantona Sarajevo.

S poštovanjem,

Sebija Izetbegović
zastupnica u Skupšt

